



Broj: Z-37-1-16650-2/22
Sarajevo, 10.5.2022. godine

Gorana Mlinarević
[REDACTED]


Predmet: Rješenje – dostavlja se
Veza: Vaš dokument od 27.4.2022. godine

U vezi s Vašim dokumentom iz veze, u privitku dostavljamo Rješenje broj Z-37-1-16650-1/22 od 10.5.2022. godine.

Prilog: kao u tekstu

Dostavljeno:

- a) naslovu
- b) pismohrana/arhiva



MINISTRICA

dr Bisera Turković



Broj: Z-37-1-16650-1/22
Sarajevo, 10.5.2022. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“ broj 28/00, 45/06, 102/09, 62/11 i 100/13), postupajući po zahtjevu Gorane Mlinarević iz Sarajeva, Ministarstvo vanjskih poslova Bosne i Hercegovine donosi sljedeće

RJEŠENJE
o pristupu informacijama

1. Odobrava se pristup informacijama Gorani Mlinarević, na osnovu zahtjeva od 27. travnja 2022. godine;

Obrazloženje

Gorana Mlinarević je, pozivajući se na Zakon o slobodi pristupa informacijama u BiH, uputila zahtjev za slobodan pristup informacijama 27.4.2022. godine u kojem se traži sljedeće:

“U svom izvještaju o progresu BiH ka pristupanju EU iz oktobra 2021 (https://ec.europa.eu/neighbourhood-enlargement/bosnia-and-herzegovina-report-2021_en) Europska unija je na strani 39 istakla da je Bosna i Hercegovina predložila da inicira pregovore o ugovorima o readmisiji sa Bangladešom, Afganistanom, Marokom i Egiptom. U kojoj su fazi ovi pregovori (navesti za svaku zemlju pojedinačno) i da li je BiH ostvarila kontakt radi ovih pregovora sa novim vlastima u Afganistanu?”

Ministarstvo vanjskih poslova Bosne i Hercegovine je, postupajući po zahtjevu imenovane stranke u skladu sa članom 14. stav 2. Zakona o slobodi pristupa informacijama u Bosni i Hercegovini, odlučilo kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja podnosilac zahtjeva može podnijeti žalbu Žalbenom vijeću Vijeća ministara BiH u roku od 15 dana od dana prijema, a može se obratiti i Instituciji ombudsmana za ljudska prava BiH, Akademika Jovana Surutke br.13, 78 000 Banjaluka.



DOSTAVLJENO:

1. Gorana Mlinarević putem e-maila: [REDACTED]
2. Arhiva

PRILOG UZ RJEŠENJE BROJ Z-37-1-16650-1/22

1. EGIPAT - Dana 08.12.2020. godine, Ministarstvo sigurnosti BiH je obavijestilo MVP BiH da je pregovaračka delegacija BiH za vođenje pregovora za zaključivanje Sporazuma između Vijeća ministara BiH i Vlade Arapske Republike Egipat o readmisiji njihovih državljana i stranaca, usaglasila prijedlog Nacrta teksta predmetnog sporazuma kao i Nacrta teksta Protokola o implementaciji sporazuma između Vijeća ministara BiH i Vlade Arapske Republike Egipat o readmisiji njihovih državljana i stranaca. Dana 14.12.2020. godine, MVP-a BiH je dopis Ministarstva sigurnosti BiH sa priložima prosljedio Veleposlanstvu BiH u Kairu na dalje postupanje. Na zvaničan upit Veleposlanstva BiH da se egipatska strana očituje na dostavljene Nacrte Sporazuma i Protokola, egipatska strana nije nikada zvanično odgovorila u pisanoj formi. U više navrata je prigodom razgovora sa zvaničnicima egipatskog MVP-a razgovarano o ovoj inicijativi ali nije dobijen zvanični odgovor sve do sastanka koji je veleposlanik Spahić imao sa novim pomoćnikom ministra za evropske poslove Ihabom Nasrom, dana 7.2.2022. godine u egipatskom Ministarstvu vanjskih poslova, kada je nedvosmisleno rečeno da sa egipatske strane ne postoji interes za potpisivanje predmetnog Sporazuma.
2. MAROKO – Dana 27.11.2020. godine, Ministarstvo sigurnosti BiH je obavijestilo MVP BiH da je pregovaračka delegacija BiH za vođenje pregovora za zaključivanje Sporazuma o readmisiji između Vijeća ministara BiH i Vlade Kraljevine Maroko na sastanku održanom 27.11.2020. godine, ažurirala prijedlog Nacrta predmetnog Sporazuma, kao i Nacrta teksta Protokola i implementaciji Sporazuma o readmisiji između Vijeća ministara BiH i Vlade Kraljevine Maroko. Dana 14.12.2020. godine, MVP-a BiH je prosljedilo dopis Ministarstva sigurnosti BiH sa svim priložima Veleposlanstvu BiH u Madridu. Prema informacijama iz Veleposlanstva BiH u Madridu, usaglašeni nacrt teksta Sporazuma između Vijeća ministara BiH i Vlade Kraljevine Maroko o readmisiji i Nacrt teksta Protokola i implementaciji Sporazuma o readmisiji je dana 11.12.2020.godine dostavljen organima Kraljevine Maroko. Još uvijek nema odgovora sa marokanske strane vezano za predmetni Sporazum.
3. AFGANISTAN - Dana 26.01.2021. godine, Ministarstvo sigurnosti BiH je obavijestilo MVP BiH da je pregovaračka delegacija BiH za vođenje pregovora za zaključivanje Sporazuma o readmisiji između Vijeća ministara BiH i Vlade Islamske Republike Afganistan usaglasila prijedlog Nacrta teksta navedenog Sporazuma, kao i Nacrt teksta Protokola o implementaciji Sporazuma o readmisiji između Vijeća ministara BiH i Vlade Islamske Republike Afganistan. Dana 03.02.2021. godine, MVP-a BiH je prosljedilo dopis Ministarstva sigurnosti BiH sa svim priložima Veleposlanstvu BiH u Islamabadu. Napominjemo, da je prijedlog Nacrta Sporazuma usaglašen sa prethodnim vlastima Afganistana te da Bosna i Hercegovina nije stupila u bilo kakve odnose sa novom vlašću u Afganistanu a koja je uspostavljena u kolovozu 2021. godine.

4. BANGLADEŠ - Dana 21.12.2020. godine, Ministarstvo sigurnosti BiH je obavijestilo Ministarstvo vanjskih poslova BiH da je pregovaračka delegacija BiH za vođenje pregovora za zaključivanje Sporazuma o readmisiji između Vijeća ministara BiH i Vlade Narodne Republike Bangladeš usaglasila prijedlog Nacrta teksta navedenog Sporazuma, kao i Nacrt teksta Protokola o implementaciji sporazuma o readmisiji između Vijeća ministara BiH i Vlade Narodne Republike Bangladeš. Dana 28.12.2020. godine, MVP-a BiH je prosljedilo dopis Ministarstva sigurnosti BiH sa svim prilogima Veleposlanstvu BiH u Indiji. Dana 01.02.2021. godine, Veleposlanstvo BiH u Indiji obavještava MVP-a BiH da je tekst Sporazuma o readmisiji dostavljen nadležnim vlastima Bangladeša koje su predložile formiranje mješovite ovlaštene grupe koja bi u najskorije vrijeme doputovala u BiH i zajedno sa vlastima BiH i IOM-om radila na readmisiji državljana Bangladeša.

Napominjemo, da su inicijative za pokretanje postupka za zaključivanje Sporazuma o readmisiji za navedene zemlje pokrenute od strane Ministarstva sigurnosti BiH te da to Ministarstvo, u skladu sa Zakonom o postupku zaključivanja i izvršavanja međunarodnih ugovora, sprovodi zakonsku proceduru radi zaključivanja istih. Međutim, kako se sva diplomatska komunikacija vrši putem Ministarstva vanjskih poslova BiH, to su DKP-BiH kontakt tačka za razmjenu Nacrta Sporazuma kao i razmjenu informacija radi provođenja postupka o readmisiji. Veleposlanstva Bosne i Hercegovine u navedenim zemljama kao i u zemljama koje nerezidentno pokrivaju aktivno lobiraju kako bi se ubrzalo zaključivanje ovih sporazuma.